

## **Lullisámegiela čállinvuohki**

**Norgga girko- ja oahpahusdepartemeantta ja Ruota Skolöverstyrelse dohkkehii Lullisámegiela čállinvuogi 1978:s. Dán čállinvuohkebarggu leigga Knut Bergsland ja Ella Holm Bull ovddidan.**

Lullisámegiela (gáržžit mearkkašumis) hupmet Ruota Idre rájes gitta Ubmieanu rádjái ja Norgga bealde fas Engerdalas gitta Vefsn rádjái. Lullisámegielas leat guokte suopmana, namalassi lullisuopman, jemtsámegiella, ja davit suopman, áselesámegiella.

Ubmisámegiella rehkenasto oassin ”lullisámegiella viidát mearkkašumis” ja geavahuvvo eanas Ruotas, Deartnás, Suorssás, Árjjátluovis ja Árvvesjávrris, ja lea maid leamaš anus Norggas, Rátnu-guovllus. Ubmisámegielas lea čállinvuohki mii lea heivehuvvon báikenamaide, muhto dál leat bargagohtán oazžut sierra čállinvuogi ubmisámegillii.

Lullisámegiela čállinvuogis lea dát alfabehta: a, b, d, e, f, g, h, i, ĩ, j, k, l, m, n, o, p, r, s, t, u, v, y, æ(ä), ö, å.

Muđui leat jietnadagaide dát bustávvaovttastumit: aa, ae, ea, ee, ie, ĩe, ng, nj, oe, sj, tj, ts, ua, ue, yö,öö, åa, åe ja åå.